

咸淳臨安志

二十九



咸淳臨安志

咸淳臨安志卷之七十五



寺觀一

今浮屠老氏之宮徧天下而在錢塘爲尤衆二氏之教莫盛於錢塘而學浮屠者爲尤衆合京城內外暨諸邑寺以百計者九而羽士之廬不能什一說者曰清虛寂滅之尚而土木丹雘之貴離世絕俗之高而榮華富厚之羨徇其本統而驚於末流二氏殆無以大相過而道家篤於君臣之義嚴尊卑等上下則爲浮屠學者不及焉夫憚於檢而樂於縱乃人情也竊以謂不然君臣尊卑上下之分非人之所爲天之所

三卅

咸淳臨安志卷七十五

一

梁建

設也彼二氏者豈能外吾聖人之道而自立哉特其所從入之異路故爲其徒者必服其教服其教者不得不世守其說守其說則不能自遁於其名要之尊君親 上之心則一也今寺若觀率以得列御前爲重而其奉

三宮元命以祈

千萬壽則晨烟夕燈鼓螺鐘磬梵唄之音步虛之聲隱入霄漢而散落林谷者相望不絕也斯亦勤已嗚呼彼於吾儒尊 君親 上之說槩嘗有聞否哉叙寺觀

宮觀

城內外

天慶觀

在宰執府後唐時為紫極宮梁開平二年改真聖

觀有記錢武肅王立文多闕軼大中祥符二年詔諸郡建天

慶觀嘗以元真觀為之天禧三年郡守王欽若

以朝謁差遠奏徙天慶觀額于此紹興二十六

年有旨重修賜田五百畝除其賦紹定四

年燬有旨重建御書天慶之觀四大字以賜

咸淳六年又增撥官田二百畝給之觀內有

入事三
卷三十九

咸淳臨安志卷七十五

二

吳建

真宗皇帝御製賜守臣王欽若詩

高宗皇帝御書老子道德經石刻

記文四海錫大寶命于我有真宗皇帝襲休紹明澶淵

既捷以救寧武圖功沾濡浸潤億兆禔福稽古禮

文之事燭然勃興迺大中祥符紀元之明年

詔天下郡邑竝建道觀一錫名天慶于以崇清靜

而洽醇熙陟降左右不顯亦臨積厚流光美祥來

假五載冬閏誕頒設卓哉皇乎生民尊祖之丕範順

祖天尊大帝像設卓哉皇乎生民尊祖之丕範順

天立教之宏規也夫天者群物之祖聖人繼天測

靈昭德揭虔明有本也日月所照霜露所隊凡有

血氣心知之性莫不尊親其所所以辨上下定民志

之意微矣惟錢塘左江右湖天慶奠址負吳山南

鄉謁中興駐蹕隆上都而觀萬國歲時尹漕帥屬

朝謁如令州縣吏一命以上肅拜而後敢即事

遇誕節內而宮省外而臺府歸美報上者必於

是事隆體特嚴眎景靈非他郡比紹定辛卯

秋廬居畚綆不戒爰暨茲宇 皇帝湯懷惟天惟
祖 宗發祥儲祉之地敢懈欽崇首片內帑金帛
祠牒更翔之自 宮掖邸第至都人士罔不捐貲
佐役明年春 聖祖殿成藏室承東齋廬延西重
門洞開迓雲車風馬之靈祕宇巍擁安元龜朱蛇
之神于時住持觀事臣陳永灝經工化材實敏實
勤 上聞而嘉之申以錫賚為錢萬緡俾迄其事
又明年三境列真之庭始克備榮溫必寶有待而
御號登 淳祐內出天慶之觀四大字以落之金
扁名題奎壁輝絢穹偉淵靚陽曜陰藏穆穆焉天
下之壯觀矣自三代衰王教熄異端乘之以禍福
誘怵愚俗宮室紺碧幾徧天下其於大倫大法蔑
如也疇若建殊庭祗靈貺溯僊源於厥初明天歷
之有屬使凡為臣子者拜俯其下雖在四方萬里
外拱極朝宗之心油然而生而况首善之地不已
重乎初 上之御極也眷焉東顧虹流隩區將築
天基瑞應宮及是仍命永灝往營之未幾珍臺間
館對峙淞河之上 聖祖 神孫景光相宣於萬
斯年益章章矣昔在炎漢肇基豐沛班彪著論闡
明王命序帝堯之苗裔表神武之證應顯德豐功
公 四八六 咸淳臨安志卷七十五 三 梁

報恩光孝觀

在報恩坊清泰四年錢氏建舊號開元宮 國朝

景德四年改景德觀 崇寧二年改崇寧萬壽觀

賜鹽官縣田一千畝 政和三年改天寧萬壽觀

建

徽宗皇帝本命殿 紹興七年改報恩廣孝觀十

三年改賜今額專以追崇

徽宗皇帝香火 紹定三年得 旨蠲其賦 咸

淳四年重建鐘樓雲堂兩廡

元真觀

在禮部貢院西唐中宗景龍二年建遂以景龍名

舊志作景隆恐誤

後唐改中興觀錢氏改錢明宮

相傳錢武肅患

目禱而愈遂改今貢院橋下小石碣紀為錢明宮

國朝雍熙二年改元

真觀 大中祥符二年為天慶觀 天禧三年守

王右相欽若奏徙天慶額于真聖觀而復元真之

舊賜田凡五百畝

水府淨鑑觀

大正甲

咸淳臨安志卷七十五

四

五

在候潮門外清水閘東舊在嘉會門外桐木園世

傳五季馬自然修煉于此龍德三年錢氏號水府

院 國朝天聖四年 詔定天下名山洞府二十

錢塘江水府居其一歲投龍簡 政和改淨鑑院

七年增水府字仍歲度道士一人 建炎間徙今

處 乾道四年周安撫淙建水府扶桑大帝殿

嘉定七年道士江師隆闢地重建

記文

寶慶三年翰林學士程秘撰其略云兩間動

濟四水然皆北東入海故東海為尤大錢塘据上

游六龍來御貢賦梯航吸鯨駕鰲而來渺渺無

際靜則吳粵千里鏡碧一色少焉溟渤翻山嶽摧

不足以喻其勢豈一無司之者乎世謂晉君寄宣孤

憤安知水馮雍觀非靈均輩耶道家謂水為府有
扶桑帝君若意也有理焉觀為古祠在錢氏清賞
堂後人傳五季馬自然修煉飛舉其地也錢氏建
水府觀已而徙桐木園祠扶桑
仁皇天聖定名
山而水府居一早投簡輒雨
政和初界名淨鑑
至七年增水府字二歲度羽衣
一應炎始賜地
清水開之東今百年屋盡敗且隘不足容
嘉定
七禩知樞密院鄭公昭先命道士江師隆住之
西

關地鼎
新云云

表忠觀

在城南龍山 熙寧十年守趙清獻公以錢氏墳
廟蕪廢請於 朝即龍山廢佛刹妙因院為觀俾
錢氏之孫為道士曰自然者首居之仍歲度其徒
一人以供灑掃 詔賜額曰表忠詳具蘇公所撰

二十六四 二十六三

咸淳臨安志卷二十一

五

果

碑 紹興間楊節使存中 淳祐間趙安撫與憲
寶祐間顏安撫頤仲前後修葺歲久復壞而五王
廟在觀之西南數十步外灑掃非便於是屋頽圯
久矣 咸淳七年安撫潛說友合廟觀為一拓地
築基改創三清大殿而即殿之故址創五王廟棟
宇閎麗像設森嚴若內外門若兩廡以至鐘樓齋
堂雲林閣等或增或葺煥然更新又闢達而東鑿
池而方 聖朝褒忠之意至是益大章顯云

碑文

蘇文忠公撰 熙寧十年戊子資政殿大學
士右諫議大夫知杭州軍州事臣抃言吳越

國王錢氏墳廟及其父祖妃夫人子孫之墳在錢
塘者二十有六在臨安者十有一皆蕪廢不治父

老過之有流涕者謹按故武肅王鏐始以鄉兵破走黃巢名聞江淮復以入都兵討劉漢宏并越州以奉董昌而自居於抗及昌以越叛則誅昌而并越盡有浙東西之地傳其子文穆王元瓘至其孫忠顯王俶又仁佐遂破李景兵取福州而仁佐之弟忠懿王俶又大出兵攻景以迎周世宗之師其後卒以國入觀三世四王與五代相終始天下大亂豪傑蠡起方是時以數州之地盜名字者不可勝數既覆其族延及于無辜之民罔有孑遺而吳越地方千里帶甲十萬鑄山煮海象犀珠玉之富甲於天下然終不失臣節貢獻相望於道是以其民至於老死不識兵革四時嬉遊歌舞之聲相聞至于今不廢其有德於斯民甚厚皇宋受命四方僭亂以次削平而蜀江南負其峻遠兵至城下力屈勢窮然後束手而河東劉氏百戰守死以抗王師積骸為城醜血為池竭天下之力僅乃克之獨吳越不待告命封府庫籍郡縣請吏于朝視去其國如去傳舍其有功於朝廷甚大昔竇融以河西歸漢光武詔右扶風修理其父祖墳塋祠以太牢今錢氏功德殆過於融而未及百年墳塋祠不治行

咸淳臨安志卷七十五

六

張

道傷嗟甚非所以勸獎忠臣慰答民心之義也臣願以龍山廢佛祠曰妙因院者為觀使錢氏之孫為道士曰自然者居之凡墳廟之在錢塘者以付自然其在臨安者以付其院之淨土寺僧曰道微歲各度其徒一人使世掌之籍其地之所入以時脩其祠宇封植其草木有不治者縣令丞察之甚者易其人庶幾永終不墜以稱朝廷待錢氏之意臣抃昧死以聞制曰可其妙因院改錢氏之曰表忠觀銘曰天目之山茗水出焉龍飛鳳舞萃于臨安篤生異人絕類離倫奮挺大呼從者如雲仰天誓江月星晦蒙強弩射潮江海為東殺宏誅昌奄有吳越金券玉冊虎符龍節大城其居包絡山川左江右湖控引島蠻歲時歸休以燕父老擘如神人玉帶毬馬四十一年寅畏小心厥篚相望大貝南金五朝昏亂罔堪託國三王相承以待有德既獲所歸弗謀弗咨先王之志我維承之以天胙忠厚世有爵邑允文允武子孫千億帝謂守臣治其祠墳毋俾樵牧愧其後昆龍山之陽巋然新宮匪私于錢唯以勸忠非忠無君非考無親凡百有位視此刻文

題詠

揚傑贈錢氏孫端靜師詩鳳凰鏘鏘出丹山

處無琅玕故山惟有千年鶴海上芝田隨飲啄朝

市紛華了不知逍遙長在雲林閣。東坡送表忠

觀道士歸院先王舊德在民心著 令稱忠 上

旌忠觀

意深墮淚行看會祠下掛名爭欲刻 碑陰淒涼破

屋塵凝坐樵悴雲孫雪滿簪末信 諸豪容郭解却從它縣施千金

在豐樂橋 紹興元年宣撫處置使張浚備秦鳳

帥吳玠陳請鳳翔府和尚原三聖廟乞賜額曰旌

忠三年張循王俊揚和王存中於臨安府踏道橋

東立廟 紹興十九年揚和王奏請改賜觀額三

十二年徙于覺苑寺故基 淳祐壬子燬惟廟獨

三三五

〇五二

咸淳臨安志卷之十五

七

梁

存 寶祐丙辰始建屋六楹

詳見祠廟門旌忠廟

中興觀

在吳山 大觀中建東嶽行祠規置略具 紹興

七年鄉民始合力營葺之二十九年有茹氏者捐

貲訖成之翼以道館 嘉泰辛酉燬包道成募緣

重建扁曰崇道庵 嘉定己巳始請觀額 紹定

辛卯 嘉熙丁酉仍燬趙安撫與權議徙它所不

果乃即其地改卜北向建廟 淳祐壬子趙安撫

與憲又易向而東明年

理宗皇帝御書東嶽之殿四字以賜

天明宮

在吳山忠清廟後 嘉泰中建

承天靈應觀

在吳山之巔舊為天地水府三官堂 紹興間改
冲天觀 紹定四年燬 端平三年重建 旨改
賜今額仍建梓潼帝君行祠 淳祐十年 旨增
建 玉皇上帝寶閣

至德觀

在吳山之巔渾儀臺側即十一曜太歲堂也元隸
太史局 紹定四年燬羽士請以為廬 端平三
年成

二廿三

咸淳臨安志卷七十五

八

梁

御書其扁曰至德之觀

清源崇應觀

在吳山 寶祐元年蜀士夫牟中書子才等陳請
云大江發源實自汶江清源真君廟食其土治水
之績為世大利 朝廷春秋祀享神實作配 旨
就吳山下地建廟

御書清源崇應之觀清源之殿

顯惠觀

在吳山 寶祐間蜀士仕于 朝者議建奉顯惠

真君香火以為禱祈之地

鶴林宮

在城內俞家園 慶元乙卯旱順濟觀道士劉友

真禱而雨 紹定辛卯即所寓舍為觀請令額

咸淳元年 太傅平章賈魏公給田三百畝

真聖觀

在城南六和塔側 寶慶二年道士江師隆創觀

有真武像 淳祐間摹本

上進

理宗皇帝御書 御製讚見行在所錄觀內舊有

歐陽公小草秋聲賦歸鴈亭詩石刻及洪容齋撰

陳鑄城南堂記

記文 程內翰玘撰觀記云維此眾大號京邑利祿

羣迷教化宣明惟聖職既先斯道自躬行更表元

風為世式用以顯應鎮其西太一萬壽莫其北延

祥四聖位東南三茅沖天乃中立惟有西南號龍

山殊庭未睹丹霄偈粵昔紫清玉皇君沖融所毓

並乾坤迨唐宮正紫極名奉之三百久其齡晚遭

兵燬燎中寓埃滅煙飛二十春火謝金乘梁得上

日食方還明未普江南乃有勲臣鏐戎馬崎嶇不

廢修絳宇丹樓杭獨盛請更紫極為真聖且謂唐

下崇元館不復當時真聖名朱梁舊扁空山寂錢氏遺基荒草棘開山隆師善根深一念不移如願力偶因善士施金園從此百間新突兀云云彈壓吳山與胥江萬年長護雙龍闕

景隆觀

在新門外舊為通元庵 嘉定十四年 旨許建

觀以舊修內司營地界之羽士陳永年出力剏造

寧宗皇帝御書名扁以賜有御璣殿

理宗皇帝御書有

景命萬年之閣奉令

三殿元命

玉虛觀

三十五八十

咸淳臨安志卷二十五

在龍山舊為三官院錢武肅王龍德三年置以奉

天地水三官 祥符四年賜令額 建炎初蕩於

兵火 紹興間始草創 紹定六年羽士陳永錫

建三清閣 淳祐三年 朝廷斥 御馬院半址

賜焉十一年 御書玉虛之觀三官之殿八大字

以賜明年又舉 御馬院餘地盡界之仍降度牒

造

景福萬年殿奉

皇帝元命觀西有張氏園願以歸修內司遂併行

撥賜即其地為三茅殿

玉清宮

在錢塘門外葛嶺 紹定元年

東朝降錢造移賜今額二年賜田一千畝崇奉

寧宗皇帝

恭聖仁烈皇太后神御

理宗皇帝御書玉清之宮四字以賜後有葛仙翁

煉丹臺

旌德觀

在蘇隄第一橋 寶慶二年守表同知韶創先賢

祠徙玉晨道宮於東北隅以供灑掃請于 朝賜

杭州府志卷五十五

十一

旌

額曰旌德有西湖道院有亭曰虛舟曰雲錦皆枕

湖

雲濤觀

在西湖南山雷峯塔後 紹定四年創移請今額

上清宮

在西湖雷峯塔北相傳葛仙翁煉丹舊址 淳祐

間建

理宗皇帝御書清淨道場

題詠

鄭丞相清之二詩雨餘日脚到天涯十里平山戴晚霞疑是千虹蟠絳闕頓移光景入仙

家開新綠岸晚霞蘸出嫩紅天鞭浮野竹數莖笋葉

俯秋荷幾柄蓮不是西湖
最佳景更於何處著癯仙

沖虛宮

在錢塘縣履泰鄉 紹定中建名寧壽庵 淳祐
六年移請今額

太清宮

在錢塘縣履泰鄉龍井山路 紹熙元年建

寧宗皇帝御書太清宮歲寒亭及養性二字以賜

又有矩玉亭 咸淳四年 旨賜 惠順賈貴妃

充功德院

景星觀

咸淳臨安志卷七十一

在臨平鎮 紹興十年建東嶽行祠 淳熙六年

移請今額

順濟宮

去城四十里在湯鎮赭山之間元係龍王廟 紹

熙元年移請雲濤觀為額四年旱禱而雨改賜今

額 嘉泰二年九月錫三神侯爵曰廣濟曰順澤

曰敷澤 嘉定九年增封曰廣澤靈應曰順澤昭

應曰敷澤嘉應觀側有東嶽行祠

女冠

新興宮

在城南廂衆惠橋 嘉定間女冠王景圓捨宅爲
宮移請今額

福田宮

在薦橋門裏舊名彤雲 熙寧十年改賜梵嚴觀

嘉定中

恭聖仁烈皇后賜田一千畝改今額

明真宮

在九里松步司前軍教場之北 嘉定中建

寧宗皇帝御書明真二字

神仙宮

在錢塘門外東山衝

承天宮

在仁和縣赤岸 嘉熙中建

寧宗皇帝御書承天二字

西靖宮

在錢塘門外掃帚塢 開禧元年建

天清宮

在西湖青芝塢靈峰之側冲靖大師沈師謙建

寶祐五年移請今額

靈耀觀

在錢塘縣駝巘嶺下 紹定中建 咸淳初改為
女冠

常清宮

在鮑家田 沂靖惠王府香火院

道堂

崇真道院

在蘇公隄 咸淳四年 太傅平章賈魏公給錢

創建仍撥租田以贍雲侶其地舊有水仙王廟併
以香火之奉屬焉

靈應堂

在清波門外聚景園前

餘杭縣

洞霄宮

互見大滌山

在縣西南一十八里漢武帝元封三年創宮壇於
大滌洞前為投龍祈福之所唐高宗時遷于前谷
為天柱觀光化二年錢王更建 國朝大中祥符

五年漕臣陳文惠公堯佐以三異奏

一地泉涌一祥光現

一枯木榮 賜額為洞霄宮仍賜田十五頃復其賦

後燬于兵 紹興二十五年 旨賜錢重建 乾

道二年

太上皇帝

太上皇后乘輿臨幸

御書度人經一卷以賜又明年

太上皇后復來遊淳熙六年道藏成八年賜藏經

孝宗皇帝嘗賜道士俞延禧畫古澗松詩

光宗皇帝又御書怡然二字賜延禧爲齋扁

寧宗皇帝御書演教堂

理宗皇帝賜內帑鑄鐘

御書清淨經一卷及洞天福地四大字以賜按真境錄云宮有五洞交倚九峰回挹千巖萬谷秀聚

其中或泉飛彤厦之簷或雲鎖碧壇之角祥光神異兼木返於春枝撫掌泉靈更丹藏於翠箬誠姑射之令壤歟晉有郭文舉手植三松於殿前時與猛獸遊息其下 大中祥符間陳文惠公堯佐領

浙漕語道士馮德之曰嘗夢游山中見仙人顧予有鼎鼎之稱既大用遂造紫石大香鼎二置于洞前各爲銘以表其異 元豐間趙清獻公抃再蒞郡抗疏引年甲子秋八月忽促騎來游謂道士沈日益曰近於高齋夢入一山見宮闕巍峩有道士數人出迓詢之曰洞霄宮覺而思之兩典是郡未

嘗一遊故冒暑而來今視其山勢亭宇與夢中無異為留旬浹乃去自晉宋以來得道之士許邁而下凡二十有四人詳見人物門

亭館

漱玉館 超然館 稅駕館 翠蛟亭

飛玉亭 宜霜亭 聚僊亭

神異

無骨箬 峯之下多生紺箬昔許先生邁語弟子曰吾有金丹藏無骨箬下他日有

緣者遇樵者采箬而歸率不見所謂無骨者及爨則數得之

搗藥禽 山多異禽其最異者僅有其一晝隱夜鳴莫得而見其音清亮徹旦不絕

成海臨安志卷二十五

十六

走

殊類杵藥聲

重榮木 宮外有櫟木一本其大五圍舊傳唐咸通二年兵天師種以之枯悴大

中祥符五年忽爾重榮陳文惠圖以進

地涌泉 見後撫掌泉

五色雲 見後祥光亭

銘記 陳文惠公二鼎銘其一曰爐之質剗中起煙人之體虚心養元不用之自然之然爐兮

人兮茲謂道焉二曰山之高兮巉巉出雲洞之深兮幽幽宅真鸞鶴一瞬鳧鷖百春安得而往葆光

齋神○陸太史游撰洞霄宮記造化之初昆崙旁薄一氣既分天積氣於上地積塊於下明為日月

幽為鬼神聚為山嶽海瀆散為萬物萬物之至靈為人人之至靈為聖哲為僊真而道為天地萬物

之宗幽明鉅細之統此處義黃帝老子所以握乾坤司變化也其書為易六十四卦道德五千言陰

符度人西昇生神之經列禦寇莊周關尹喜之書其學者必謝去世俗練精積神棲於名山喬嶽略與浮屠氏同而篤於父子之親君臣之義與堯舜周公孔子遺書無異浮屠氏蓋有弗及也臨安府洞霄宮舊名天柱觀在大滌洞天之下蓋學黃老者之所廬其來久矣至我宋遂與嵩山崇福獨為天下宮觀之首以寵輔相大臣之去位者亦有以提舉洞霄超拜左相者則其地望之重殆與昭應景靈醴泉萬壽太一神霄寶籙為比佗莫敢望在真宗皇帝時始制詔改宮名賜金寶牌又賜仁和縣田十有五頃以奉齋醮悉除其租賦至政和間宮以歷歲久穿壞漫漶徽宗皇帝降度牒三百命兩浙轉運司復興葺之歲度童子一人為道士建炎中又廢于兵火高宗皇帝中興大業聞之當宁歎息迺紹興二閣表以崇閣繚以太后之命建昊天殿鐘經二閣表以崇閣繚以脩庶費出慈寧宮梓匠工役具以修內步軍司中使臨護犒賜狎至既不以命有司而山麓之民亦晏然不知有役一旦告成金碧之麗光照林谷鐘磬之作聲摩雲霄見者疑其天降地涌而神運

十一 咸淳臨安志卷七十五

十七

茂

鬼輸也可謂盛矣及上脫屣萬幾願神物表遂以乾道二年自德壽宮行幸山中駐蹕累日敕太官進蔬膳親御翰墨書度人經以賜自有天地即有此山殊尤之迹今迺創見慶元六年九月葆光大師宮都監潘三華與知宮事高守中同知宮事水丘居仁以告游曰願有紀以為無窮之傳游以疾未能屬橐同知宮事王思明及其徒李知柔踵至以請會游被命繼史又不克成嘉泰三年四月史成奏御乃能叙載本末如此且作銘曰在宋祥符帝錫帛書迺作昭應比隆河圖元豐景靈列聖攸居徽祖神霄誕彌九區帝儲祕宇煌煌煥于天衢元祐上清以祝迨我高皇省方東吳瞻言天柱鎮茲行都警蹕來臨神明翊扶乃御幄殿穆清齊居天日覆照雨露涵濡迄今遺民泣望屬車三聖嗣興光湖肆作誦詩億載不渝曹侍郎叔遠撰新鑄鐘記聖天子握符御極敬天愛民遇雨暘稍愆禱于群望所至感格其靈績寂彰者則杭之太滌也是山居洞天三十有四為天柱福地距行都三

舍命絡繹御前崇奉有年矣宮宇宏壯獨闕巨鐘使

丑病月丁亥有旨命鑄仲秋己未告成夫山川

棟橫空鴻音徹漢上聖天子所以代化工而施利澤也霓

早齋德鄉人每以驗晴雨經建炎煨燼聲弗逮

初開禧邊帥畢再遇於淮泗獲景靈舊鐘漕臣

黃犖求寘之大滌亦既昇止然物久則敝剝極宜

復其革故鼎新必湏時應數邇者宸命既頒幣

出內帑工擇國良賜度牒以資其費融兼金以

美其質眾橐一鼓大噐立就其形不侈不弁不厚

不薄其聲不石不播不柞不鬱鐘成樓亦加肆殆

時數之偶歟近臣劉世亨承命庀事盡畫宣勞圖

形以進天顏闔懌歟盛哉聖天子嘉惠名

山與先朝賜田臨幸匹休於無窮矣夫形而上

者謂之道形而下者謂之噐鐘噐也而道寓焉儻

能因噐以求道則銷去鑛錯保合粹和內明外寂

力到功深窮邃徑於華陽侍宸遊於月殿服猛獸

於巖前藏金丹於箬下自然山川呈瑞神物薦休

鳳鳴高岡龍蛻幽穴清泉沸井祥光燭天所謂人

傑地靈豈昔有而今無耶無已則澄神寡慾體道
修真庶幾善人以多嘉祥自應雨可請賜可祈尚
無負於熏修祝聖壽而保皇圖與洞天福地同
報稱於熏修祝聖壽而保皇圖與洞天福地同
其長久者又不待言諭也○吳寶學泳撰演教堂
記盤古開闢宇宙天先成而地後定故都天之號
柱於八極者三不周以北存而勿論可也惟瀟山
之東杭山之南積氣溫厚有雙柱峙焉以其上通
太微之室故曰洞天以其中伏三辰之根故曰天
柱道家者流好言天與帝而不以地對蓋維持主
宰者在上帝不過承之而已洞霄舊號天柱觀而
演教堂則又接天柱之乳而流出道德者也先是
堂列大門外傳者曰神營化造不類目巧之室殆
未可知也後遭兵燬更創於正殿後紹興肇其
迹開禧奐其宇端平又峻其基室虛而白楹
廣而闊雌霓抱梁陽馬承楠堂之背疊石作巘曰
聚仙亭翼步攔而上曰方丈室耽耽乎廣廈真可
談混元論黃虞矣矧惟我高宗皇帝曾手書度

七四
咸淳臨安志卷十五
八

人經以鎮清真之場 孝宗皇帝御製古澗松詩
以尊不老之道玉字扁於 寧考金錢錫於 慈

皇今主上又勅命冲妙師大明董集斯事 列
聖修道崇教何其盛也堂甫成大明羽化而師孫

記於潼川吳泳泳曰汝知所謂堂者因教而有堂
耶所謂教者因堂而有教耶向者堂弊教亦弊耶

今者堂新教亦新耶吾與子言堂有成壞而教無
新故僊聖之所重惟教耳然聖人以身教也真人

以神聽也以身教故不悅道之華以神聽故不逐
言之迹今營一畝之宮築環堵之室既勤樸斲又

塗墍茨輪焉奐焉惟欲其美而身有玉廬心有絳
宮脾有黃室肺有皓庭面有赤宅耳有三門喉有

十二樓兩肩有紫戶青房七竅有金關玉鑰皆自
己之堂也而不能燬也指三洞十二部為教母綜

五笥七十笈為道樞勃勃御於珠口團團走於環
中便以口之所授為演妙耳之所聞為證真而自

有此山以來陰陽之浸昏曉之割日月之相斛雲
雷之相盪飄風暴雨卒歛於無雕煙縷霞復歸於

朴鳥啼而林幽則動中有靜龍蟄而霧滃則寂中
有感變通而為四序流形而為品物不宰之宰不

神之神皆自然之教也而莫之悟也處道曰若爾
吾記則歷劫以至千今千聖之戶庭荒矣雖然吾

復為子通之老氏之學與佛者籠罩誕謾之說不
同根以清淨虛明行以慈儉忠孝其無為也無不

為也近於易不爭也莫之爭也近於謨谷神之說
近於虛受嬰兒之喻近於若保修養而引年近於

祈天永命真誥謂性與道合由道之體近於中庸
王子謂壹氣孔神於中夜存近於孟子若夫淮南

原道之極至於和與性便父無喪子之憂兄無哭
弟之哀童子不孤婦人不孀獸胎不殯鳥郊不殯

則又吾孔門家法也作是堂已玉眸洗洗豈無望
道而欲見者儻能味法如蜜調心如絃滌神識如

鏡為善無近名為學不躡等雖有拱壁駟馬不能
易吾進道之心則聖真在己不必問鄰矣霞子妍

之哉雲孫瑩之哉○洪文忠公咨夔撰檀越施田
記洞霄距行闕三舍而近翠華臨幸舊德與領

廷綾寺貂崇禱旁午望出御臺珍館之右星冠羽
衣來游來處常不翅數百千指九霞八景晴霏濕
翠朝攬夕挹充然自得而主其徒者每皇皇懼無

鞅數衆之弗克澹唐中葉嘗賜觀莊田一所國
初錢氏籍以歸有司祥符中賜仁和田十有五
頃除其租紹興初通明殿于宮之東偏又歲有
常餼以給齋祭列聖涵育之恩至矣賜田中更
多故僅存硤瘠歲入不足支數月都監官事龔大
明語其徒王思明王大年前是任山潘君三華尚
能斥橐裝賣曹橋田以繼粟吾徒可坐睨寬鄉上
腴大家腐陳勺彼有餘補吾不足庶幾我疇我耕
我庾我積以裕我後之人怡聲勸相堅力經度其
志卒以酬畏壘既壞姑射且熟鼓腹升平稽首
萬壽欲與是山相為無窮來諗余為記夫道行乎
天地之間日用飲食何者非道先王以是生養天
下一夫授田百畝于耜築場有其時糾笠趙罇有
其具堅好穎粟春榆釋烝有其成墻屋有桑疆畦
有果藏柵有雞豚沼有魚鼈身勤於所養心安於
所止一毫無待於人此王道所以為盛也世降道
裂始有食非其力者浮屠氏幻而辯能撼人以禍
福墜陌綺錯鉢巾雲趨所在皆是而為老氏之學
者大抵以清淨無為為宗須於人者狹故其廬聚
不能十佛之一雖名山藏室大洞殊庭號稱海內

成傳臨安志卷七十五

二十

成

之望亦往往微常產以自殖其教然也於其教清
淨無為之中而能謀長以殖其衆可不謂難乎雖
然樂與餌過客止道澹乎其無味視之不可見聽
之不可聞而用之不可既爾師之說然也繼今不
以口體為心害宜有進乎澹而無味者余家天目
之陽去天柱為近間當分半席叩之施者生有祈
死有薦其姓氏畝石並附見碑陰云

題詠

陳文惠公堯佐詩一帆高掛出紅塵萬仞是
歌入紫雲莫道遊仙便無侶玉清冠蓋許同

群 谷口停驂上翠微五雲宮殿闕金扉不知何
處朝真會恰見龍鸞隊仗歸 二天封部稼如雲
流水清寒出洞門更愛林間盤石上松花飄落羽
人樽 蕭蕭紅鬪碧峯前為愛桃花入洞天偶逐
霓旌纔百步却憂人世已經年 趙清獻公詩龍
穴藏身穩泉源撫掌清紅塵人絕慮白日世長生
我分請沖寂誰能顧利名空啟休指笑今作洞霄
行 蘇文忠公詩上帝高居愍世頑故留瓊館在
凡間青山九鎖不易到作者七人相對閒庭下流
泉翠蛟舞洞中飛鼠白鴉翻長松惟石宜霜鬢不

用金丹苦駐顏 前生我已到杭州 到處長如到 舊遊更欲洞霄為 隱吏一菴間 地且相留 陳丞

相堯叟詩 迴合煙光疊翠屏 東南山水此為靈 鶯花春學蓬瀛 樓閣夜千牛 斗星古檜森羅 燒藥

竈彩雲飄灑 聚仙亭 遼天俯近歸期 鶴解谷旁連 駭巨溟 紫陌紅塵無一點 綠毛仙骨有千齡 錢

景謚詩 清夜宿瑤宮 雲開天柱峰 千巖空洞月 萬 賴古壇 松仙馭 聞鳴鶴 琅輿想六龍 朝元步虛罷

祥吹引林中 入谷初無路 山蹊九折迴 紫庭藏 玉室碧落抱瓊臺 溪水人間見 桃花源上開 祇應

有仙骨 得到洞天來 洞天三十六 大滌上清房 物外雲煙古 仙家日月長 溪流分玉醞 巖穴產靈

香須信風塵表 棲真自有方 方干詩 早識吾師 頻到此芝童 藥犬亦相迎 師今一去無消息 花洞

石壇空月明 戴石屏 復古詩 高枕清流卧 白雲 靈龜骨相鶴精神 凡為九鎖山中客 多是群僊數

內人三沐三熏來訪道 一觴一詠共談真 祥光亭 畔蒼松下 更借清風洗俗塵 一天柱峰頭一振衣

雲開巖路雨晴時 登臨欲訪神仙事 紀述都無漢 晉碑拍手數 聲龍井躍篝燈 一覽洞天奇 林間安

得棲身處 欲煉金丹餌玉芝 劉子澄詩 青山鎖 斷紅塵 路石柱干霄 藏洞府 老蛟據窟不可窺 千

古流泉替渠舞 真墟容我輒躋攀 心曠方知白日 閑飛仙一去忽已遠 坐對松梢雲往還 高踈窅

似孫詩 洞門金畫翠琅玕 杏不多 花月溜寒借得 御書經日讀 松風洗淨石棋盤 雲氣常常在上

峰松生仙骨 盡成龍不通 名姓誰談道 却得雲邊 兩度逢 洪忠文公咨夔 贈石室朱修行詩 響泉

一派落天風 人在浮雲柳絮中 亭午柴關猶未盡 碧玲瓏 底拒霜紅 落葉堆中折脚 鐺白雲 煮盡

又還生洞門 黃鶴婆娑舞 留得松風待月明 王 學可亞夫詩 天柱峯高萬壑分 故留九鎖限塵 禁

泉飛窻牖長為雨 日上岡巒半是雲 洞擘陰崖通 遠岫石生暗暈 作奇紋 聖朝每為民祈福 絕笑

求仙漢 超然館 洪忠文公咨夔 宿超然館 聞鍾太 代君 超然館 一相過 燭未銷 朝元鍾動 鬱羅蕭

身輕不怕瓊臺滑 翠蛟亭 鞏栗齋 豐詩 木石相因 蹴踏青霞上 斗杓 依妙處 在得水 遇其相

合時澗蹙水多止 巍巍天柱峯 雙洞空無底 恠石 抱山迴 灌木參天起 青蛟走玉骨 元脉貫石髓 屈

折暫得伸掀舞如掉尾亭成白何年不陋亦不後
秋深泉少縮亭影照清泚忽遇水飛流亭在銀濤
裏怒蛟捲亭去相距不盈咫尺一落墜兩洪力竭勢
方已終疑入江湖赴海日千里昨夜山雨豪梧竹
盡風靡轟雷與石鬪蛟怒幾欲死吾亭方晏然倩
曉見窻几因携一樽來與客相料理贖擬畫將歸
題詩却留此。趙南塘汝談和幽亭枕蒼峽雲竇
通細水百折如建瓴澆澆鳴不止客來一抽鑰白
霧巖底倏翕千丈蛟掣空翠濤起天開渾沌竅
日洗盤古隨諒匪畜池鱗多應化靄尾馮陵氣易
壯怖蕩辭難修術假金洞元景逾瑤臺泚誰云遊
方外巧異緇塵裏坡仙頗年數覲面猶尺咫采句
貴自然鞏言良是已珍題豁靈界篆出番君里道
人亦多事浮念何時死余生嗜泉藪痼習牽研几
太息動靜機于何寄冥理醉倒和滄浪煩君更評
此。趙顯父彥假和天下名洞天有山必有水餘
杭山水窟神仙所棲止仙人乘雲去玉蛟留潭底
至今雷雨夕蛟睡時驚起爪擘崖石裂石罅滴乳
髓洵洵泉流出半垂白鳳尾風來琴筑響月照瓔
珞侈曲折納深池徹底清且泚築亭當澗衝木石

成寧臨安志卷七十五

二二二

州

相表裏翠壁潤含煙層峯去天咫道人幻出奇指
顧猶未已忽驅蛟赴鬪瞬息八百里怒氣挾犇霆
草木為披靡兒童驚震掉面若槁灰死達人本大
觀談笑自隱几湏臾群動息靜坐窮物理水石本
無心相激一至此。趙蹈中汝謫和衆峯抱蒼龍
蟠屈翠蛟水放之兩崖間奔洶不得止濤瀾生席
上雷靄轉石底恍疑天柱搖將技陰洞起蘇公雄
氣壓詩骨得山髓指麾驅鯤鯨赫奕動箕尾紛紛
下土人蟻垤自封侈驟觀日晴眩筆墜汗流毗坐
令空谷嘯聲徹霄漢裏君來松根吟仙者相去咫
老蛟破鎖出餘怒猶未已決開澗千丈散作霧五
里今年溪湖乾草蘩生已決開澗千丈散作霧五
垂死遺吾雲子飯報汝青玉几野人尋泉竇筒壞
方復理泓然山顛池冬夏常若此。洪忠文公詩
壯杉菴檜護嵌空飛墮蛇蛭白玉虹莫道隔凡元
有柱胡麻流出石砭東晴雷碾破白雲窩無數
林華袞下坡好把轆轤翻轉着崑崙頂上卷黃河
○張斗笠韞詩道人鎖蛟天柱半客來縱蛟作奇
觀飛風動地轉晴雷雄拏怒攫石欲開明珠萬斛
撒成雨忽趁杯雲入銀浦仙田種玉畊春烟潤流

九里無凶年間蛟蜚去何時還道人仰笑意自閒月中携手聽潺湲

天柱解院

在縣西南半里大溪之際後唐長興四年建舊名法華解院至唐咸通八年立為天柱解院今號洞霄解院

洞晨觀

在餘杭界係洞霄解院

至道宮

在縣北三十里曹橋鎮之西唐文明元年建舊名福田治平二年改今額

臨安縣

紫陽宮

在縣西北四十里梁大同二年建太清宮後改為天清大中祥符元年改賜今額

元寂宮

在縣西四里唐乾元中建舊號鶴林觀大中祥符元年改賜今額

沖虛宮

在縣西十五里晉郭文故居也後唐同光四年吳越王建為真君祠大中祥符元年改賜今額

崇道宮

在縣北二十里相傳唐若舉白日上昇即其地為神仙宮唐垂拱四年建 治平二年改今額

清修觀

以下女冠

在縣西北三里梁乾化元年建 治平二年改賜今額

新興女冠宮

在縣西北三里梁乾化元年建舊號龍德後改今額

於潛縣

二十三

咸淳臨安志卷之七十九

二十四

盛

至道宮

在縣北四十五里天目山龍池之下唐天成四年建舊名天目宮 治平二年改今額

無極宮

在縣南二十五里舊志載昔有大徐五寶華真人小徐五含青真人得道上昇以其所居宅為宮梁朝名西靖宮 治平二年改今額

山張真君別廟之東

集真觀

在縣南四十里舊志載漢天師道陵所生之地元

名生仙宮 治平二年改今額觀即天師故宅山
有丹井尚存

許遊觀

元在縣西一里有仙人許邁丹井邁嘗隱于此

紹興二十六年道士劉冲素請移觀額于縣東二
里桃源山重建

富陽縣

妙庭觀

在縣西十五里舊號明真 治平二年改賜今額

世傳董雙成故宅 今山下多董姓 天聖中道士朱去非

咸淳臨安志卷七十五

二十五

發地得丹鼎覆以銅盤承以琉璃盆盆破丹亦飛

去 紹興初建香風堂玉笙庵 里人謝仅取李白月華詞名之

嘉定中令程秘俾道士王以存移今殿復舊丹壇

建新樓於其左 紹興初道士董行元掘土得銅牌

一度生是誰來竊去須問董雙成字畫清楷其陰
有王母乘鳳雲中 淳熙丙申修殿方丈後取土

得銅盆三足兩耳側小竅
二腹皆鞭暈不類今模製

題詠 坡詩人去空山鶴不歸丹亡鼎在世徒悲可
隣九轉功成後却把飛昇乞肉芝 增琉璃擊

碎走金丹無復神光發舊壇時有
世人來謁鼎欲隨雞犬事劉安

丹霞觀

在縣東北一里 政和元年 朝旨建神霄玉清

萬壽宮下院 宣和元年七月改賜今額 乾道

四年知縣陸楠重修 觀基乃舊真覺院也

崇元觀

在縣東一十三里 淳祐己酉遷于縣西三十五

里地名龜川

元陽觀

在楊漲 淳祐七年移建

崇親思孝宮

初道士李仲端於大源山建崇壽殿 紹熙二年

有旨崇奉本命 嘉泰元年 勅以為崇親思

二十

咸陽縣志卷三十五

二十一

孝宮

紫霄宮 女冠

在大元山去縣南三十里前有一石世傳三官下

馬石 靖康丙午女冠清妙虛心大師孫千霞與

其師宋道錄自中都來止山前一夕里人見祥光

上騰初結茅以居久之遂成宮觀雅潔幽爽亦縣

之勝槩也 紹興十三年賜今額

新城縣

景德觀

在縣北二里 政和七年建請景德觀舊額有葛

仙翁浴丹井

鹽官縣

葆真庵

舊在縣西南三里乃馬自然得道之所邑人乞立
宮觀 宣和二年賜葆真庵額 紹興二十三年
令劉偉移於縣東二里與嶽廟並

昌化縣

上清宮

在縣東 紹興元年余大辨建八年請上清宮舊
額

咸淳臨安志卷之七十五



咸淳臨安志卷之七十六

寺觀二

寺院

在城

明慶寺

在木子巷北唐大中二年僧景初建為靈隱院
大中祥符五年改今額 中興駐蹕視東京大相
國寺凡 朝廷禱雨賜宰執百僚建散
聖節道場咸在焉 淳熙十四年六月 嘉定元
年六月 嘉熙四年七月皆以禱雨

咸淳臨安志卷七十六

一

車駕臨幸

理宗皇帝回銮撤蓋甘雨隨至平章喬肅公行簡
獻詩賀 上用韻以賜見御製門又

御書明慶二大字 淳祐六年重建法堂

御書南山道場為額 景定三年建閣藏

御書扁曰 宸奎萬壽之閣 咸淳三年建祝

聖大佛宝殿寺有蘓文忠公書觀音經碑及題識

大智祖師書弥陀字碑

法喜堂

明碧軒

並淳祐七年重建



題詠

法王荆公安石為僧修廣作法喜堂詩浮屠之

物一堂收身自餘堂陰置石隻喘噪石脚立竹

青扶疎一來已覺心胆豁况乃宴坐窮朝哺初憶

幼時勇自許壯大看俗尤崎嶇豐車肥馬載豪傑

少得志願多憂虞始知進退各一理造次未可分

賢愚會將藥室反畔釣相與此處吟山湖。沈內

翰文通園七學佛者營七良足悲不知佛之樂誰

使汝學為廣師吾州秀智解乃天資既以法為喜

萬緣脫若遺高堂客滿座妙語破群疑來者豈不

辯七此堂之題。王荆公寄題明碧詩明碧軒南

竹數叢別來江外幾秋風道人無復人間世嗟我

今為白髮翁。趙忠簡公明慶僧房夜坐月明窓

竹吟橫斜坐看風燈落烬花老眼病餘嫌細字枯

腸寒甚怯清茶囊中豈是久為客夢短其能

飛到家但有流年尋髮鬢滿七蓬葆颯霜華

仙林慈恩普濟教寺

在益橋北 紹興三十二年僧洪濟大師智卿造

咸淳臨安志卷七十六

二

賜今額 隆興元年賜隆興萬善大乘戒壇額

淳祐三年賜淳祐萬善大乘戒壇額又賜寺額及

飛天法輪寶藏額皆奎畫也六年賜 御製鐘銘

見寶祐元年賜 內帑錢造大佛寶殿

開慶元年降錢買嘉興府田二百畝餘賜名豐未

莊寺有蘓文忠公書屋劉絰石碑

太平興國傳法寺

在佑聖觀東先是東京太平興國寺有傳法院

紹興初普照大師德明隨 駕南渡乞建院 淳

熙二年慧辨大師智覺奏請始賜太平興國傳法

寺額 淳祐七年賜以 御扁及飛天法輪寶藏
六寺

大中祥符寺

在禮部貢院西梁大同二年邑人鮑侃捨宅為寺
舊名發心唐正觀中改衆善神龍元年改中興三
年改龍興 本朝大中祥符初改賜今額舊傳寺
基廣袤九里有奇南渡初斥為軍器所亩西南隅
建寺餘地多為民居東有諸天千佛二閣為本寺

子院大鐵塔一大青石塔二在軍器小石塔二在

寺門內一大鍋一在祥符酒庫舊志又有法華塔

咸寧臨安志卷七十六

三

端拱元年僧文定建戒壇院觀音像唐龍興寺碑大

覺禪師塔錢王九百九十眼井今存者無幾

題詠銀葉燒香見客邀金鼎轉丹光吐夜寶珠穿

蟻鬧朝連波翻焰裡元相激魚舞湯中不畏焦明

日酒醒空想像清吟半逐夢魂消又祥符上元

僧可久房寂無燈火云門前歌鼓闌分崩一空清

風冷欲冰不把琉璃閣照佛始知無盡本無燈○

會南豐上元游祥符寺云月明如玉人春困倚東風

名即笑語同金地夜寒消美酒玉人春困倚東風

紅雲燈火浮滄海碧水樓臺浸遠空
白髮蹉跎歡意少強顏猶入少年叢

千頃廣化院

在木子巷北開平元年吳越王錢氏建舊名千頃
大中祥符九年改賜今額 中興後為臨安府祝

聖道場所 慶元六年僧善彬建張真君行祠

六觀堂

僧了性所作六觀堂老人草書歌

垂慈堂

了性所居室守趙清獻公名之功

慈化大師塔銘

即了性

右皆不存

題詠

東坡草書歌物生有象乃有滋夢幻無根成

露未晞電已俱此滅化身為醫忘其軀草書非學

聊自娛落筆已喚周越奴蒼鼠奮髯飲松腴刺藤

暗。參寥子千頂屏院觀司馬才仲道墨濛上春雨

愁聽馬蕭七細窺陳迹僧坊靜默想風流韻

威遠臨安志卷七十六

四一

淨住院

在觀橋北後梁宣帝時建舊名慈光錢氏改今額

南渡初以其地為禮部貢院寺分為三一曰淨住

寶閣律院一曰淨住教院一曰淨住大院舊有丈

六弥陀寶閣

開寶仁王寺

在七寶山先是東京開寶寺有王仁院僧慧照大

法師曄隨 駕南渡 紹興五年奏請權建于七

寶山主大內祈禳事如故典 紹興三年始賜勅

額 嘉泰甲子 紹定辛卯一再燬僧祖仁重建

端平元年 尚方鑄鐘以賜 淳祐元年 御書

寺額以賜三年賜田三頃 景定五年又燬太傅

平章賈魏公施度牒給省劄市材重造

記文 程直院公許撰重建寺記仁王院舊隸東京

初吳勗奕葉纂紹至慧照大師法暉領徒從高

宗大駕南渡奏疏行闕請即錢塘七宝山改

建主大內祈禳事如故典制曰可五傳而為

文坦嘉泰歲甲子以民居火延燬坦議起廢而

未暇也綿十有七禩易四主僧逮及祖仁呂坦

傳得次補念先志未就慨然以肯堂自任不數

浸復舊觀再燎于紹定辛卯之季秋瓦礫堆阜

諸此丘眾託身靡所祖仰天而泣額曰凡圓形

成壞有時惟大願力歷劫無盡矧茲梵刹肇開

宝朝以心傳心同一悲濟河沙可算虛空可量

此至仁不可勝用誓以堅忍期復闕初申祝帝

配天其永今皇帝嗣履大宝祗畏于天顯民

躬宝儉慈內帑羨儲絲粟靡耗有以祖仁所

弘誓轉而上聞帝若曰嘻茲惟我祖受佛心

印貽後之人忽而弗圖寧不忝厥紹亟命司

咸淳臨安志卷七十一 五

界金幣為之經始豪貴風動叶相其成古在佛

觀音臺殿宏麗與三門鼎立相望雲堂丈室

帑廩選僧之所作務之寮繚繞周迴織悉畢具

石龍簾架以層樓晨昏鐘鞞則端平元年尚

之製作也六字飛白揭之前榮奎壁焜耀則淳

祐元年宸翰之資飾也三頃上腴捧之餘杭香

屬壓則三年上命之頒賚也清淨檀施佛所護

乃若經律論鈔覆以寶藏運以懸輪金碧莊嚴

龍圖繞儼然雙林一會未散無非宮闈錫子及

侍之臣捐金喜捨出納具圖籍可覆考也祖仁

勞土木幸託于成介灵隱禪者宗禮謁直學士

臣公許曰仁王名寺加以開宝紹熙但為宗

與公靈天子藻翰固不惟皇祖是憲匪但為宗

門龍光而已子執鉛槧直禁林盍為之記期以

露增益海嶽臣稽首拜手作禮稱贊昔在覺皇

靈鷲峰為波斯匿等說菩薩摩訶薩現諸王身

導之驚事住百佛刹修百法門等而上之為千

萬

為億為百億千億萬億為百萬微塵數百萬微塵數百地至後
僧祇微塵數乃至不可說不可議從初一地至後
一地自所行處及佛行處修證具有階降化利各
有多寡然以甚深般若波羅蜜多照見一切法皆
如則隨所應現利樂有情最初發心與正覺無相
殆未可以差別觀也然則佩法王印位天王位為
天下一切眾生之所依怙非佛菩薩本所誓願疇
克擔荷贊寧僧綠對藝祖言見在佛不拜過去
佛豈亦有見于此乎梵語釋迦牟尼華譯曰能仁
由今觀之唐末五閏豺狼恣睢生齒凋耗曰能仁
人者作楊仁風掃其荒穢洒甘雨蘇其疲瘵揭慧
日燦其幽昏然後天統以正地維以張人極以立
惻隱一念施及無窮歷三百年銷青厲卻魔怨繫
人心奠國步莫非此念之推也豈若蕭梁季唐諸
君規：乎因果報應名相有為者比哉大梁夷門
佳氣鬱績安知嗜殺之醜虜不為我驅除六飛吉
行言名御故都奠九鼎于中州復宏規于開寶梯
航萬國仁壽八荒盡十方世界同一道場無有一
眾生非我眷屬願瞻吳會岌立寶峯以智眼觀矣
別遠近可使職方氏擅會稽維揚之鎮豈惟奉高

咸淳臨安志卷七十六

六

天長淨心寺

宮聞山呼萬歲者三先佛世尊住三昧定證我所
說真室不誣於是祖仁偕其徒侶彈指贊嘆歡喜
無量請以斯文伐
石摹刻昭示未來

在甌街巷南晉天福四年錢氏建舊名天長大中
祥符元年改賜今額寺址故廣袤其徒流水相授
支派漫演 中興析其地大半為軍寨寺日就荒
第 咸淳元年主僧寶月大師惟福重建佛殿棲
鐘之樓方丈一室咸一新之

智聖院

天福二年錢氏建舊名衆安 治平二年改今額

南渡後秀邸以其地建家廟僧衆分居今處

永福院

嘉定中移請舊額

淳祐中主僧祖園重建今為

嗣秀王香火院

淨戒院

在太一宮道院之北龍德二年錢氏建舊名青蓮

大中祥符九年改賜今額

紹興二十年建祚德

廟乃以春秋二仲祠祭屬焉

吉祥院

在文思院東

乾德三年光祿大夫檢校睦州刺

威遠臨安志卷七十六

七

史薛温捨地建宇

南渡初斥為文思院軍頭司

惟小寺僅有舊傳寺地廣袤最多牡丹名人巨公

皆所遊賞具見題詠

題詠

蔡端明探花詩花未全開月未圓看花俟月
思依然明知花月無情物若使多情更可憐

○蘇公詩人老簪花不自羞花應羞上老人頭醉
歸扶路入應笑十里珠簾半上鈞又吉祥花將

落而述古期不至今歲東風巧剪裁含情只待使
君來對花無語花應恨直恐明年便不開又述

古期明日同至因用前韵同賦仙衣不用剪刀裁
國色初酣如酒未太守問花有語為君零落為

君開又惜花吉祥寺中錦千堆前年賞花真盛
我道入勸我清明未腰鼓百面如春雷打徹涼州

花自開沙河塘上揀花回醉倒不覺吳兒咍豈知
如今雙鬢推城西古寺沒萬菜有僧閉門手自栽

千枝萬葉巧剪裁就中一叢何所似瑪瑙盤盛金
縷盃而我食菜方清齋對花不飲花應猜夜來雨

電如李梅紅殘綠暗吁可哀又自跋云錢唐吉
祥寺花為第一土子清明賞會盛最金盤綵籃以
獻于座者五十三人夜歸沙河塘上觀者如山尔
後無復繼也今年諸家園圃花亦極盛而龍吳僧
房一叢亦奇但衰病牢落自無以發興耳昨日雨
電如此花之存者有幾可為嘆息也又冬至日
游吉祥寺井底微陽回未回蕭々寒雨濕枯葉何
人更似蘇夫子不是時花肯獨來後十餘日復
至云東君意淺着寒梅千朵深紅未暇栽安得道
人殷七七不論時節遣花開又吉祥寺僧求閣
名一首過眼榮枯電與風久長那得似花
紅工人宴坐觀空閣觀色觀空即空

廣慧院

乾德元年薛温捨宅建舊名報國羅漢院 大中
祥符初改賜今額

普慧院

在餘杭門裡舊名安仁 治平二年改今額 淳
熙七年重建

翔鸞院

在餘杭門裡後唐清泰元年錢氏建舊名普光
天聖間重修 治平二年改賜今額 建炎三年
燬惟佛殿存其後次第興建 咸淳三年始告備

普照院

在艮山門裡聖祖武亭天福八年錢氏建舊名報
國千佛院 大中祥符六年改賜今額 淳熙三
年重建

妙慧院

開運元年錢氏建舊名華藏 治平六年改今賜

額 中興後以其地為 御園徙今處

七寶院

在益橋東舊在七寶山正明七年錢氏建舊名上

方多福 大中祥符初改賜舊有六游堂 元祐中名賢游

者六人逸 臨輝閣 王夔公欽

聖果寺

在包家山舊在鳳皇山之右錢氏建有介亭排衙

石石衙 事見本門 中興後以其地為殿前司寺徙今

人虎臺臨安志卷之十六

九

處

崇聖塔 在鳳凰山絕頂七級高二十餘丈晦在

初郡守鄭戩奏賜號崇聖塔

石佛 梁開平四年錢氏鐫彌陀觀音勢至三佛于石上蔣之奇詩曰巋然三石佛若在嘉

州岸

題詠 王荆公游聖果寺詩登高見山水身在水中

日動湖光偶坐吹橫笛殘聲入富陽。唐僧處默

由題聖果院路自中峰上盤迴出薜蘿到江吳地

盡隔岸越山多古木叢青靄遙天浸白波下方城

梵天寺

占半間雲半間向曉白雲行雨去回頭却羨老僧閑

乾德中錢氏建舊名南塔 治平中改賜今額

中興後僅存小寺今地近有塔幢者皆故基也

釋迦真身舍利塔

吳越備史云錢武肅王于明州育王寺迎釋迦舍利建塔

于城南 顯德五年火 間寶元年忠懿王重造錢氏納土舍利入京置在開寶寺

金銀書大藏經

吳越忠懿王建大藏經五千四十八卷碧紙銀書每至佛號則

以金書牙籤銀軸制甚莊嚴

靈鰻井

一曰聖井 祥見井門

題詠

梵天寺僧志詮小詩云落日寒蟬鳴獨歸林下寺柴扉夜未掩片月隨雲屨惟聞犬吠聲

又入青蘿去東坡一見為和其後曰但聞烟外鐘不見烟中寺幽人行未已草露濕芒屨惟應山頭

月夜、照來去 又東坡寒食游南塔寺寂照堂云城南鐘鼓聞清新端為投荒洗瘴座總是鏡空

咸淳臨安志卷七十六

十

堂上客誰為寂照境中人紅稀掃去風驚曉綠葉成陰雨洗春記取明年作寒食杏花曾與此翁隣

廣嚴院

在 御厨南營裡後唐清泰元年錢氏建于七寶

山舊額瑞隆 治平二年改賜今額 中興後分

寺基為 御厨營 景定初主首惟一重建

記文

王架閣應鳳撰重建寺記杭之宝山有仁祠焉其初曰瑞隆後唐清泰二年所建也建治

平更號廣嚴 熙寧間蘇文忠公游而樂之為賦 雙竹湛師房及新開徑諸詩林間烟雨清坐忘憂

固已形在江湖而身超祇鷺矣自 六飛駐蹕析 其地十之八為內饗胥徒之居則履 轍迹畧無

可考其在 淳熙有僧善資者復請之 茲地得鐘 焉有銘在 栳則寺故物也既燬于辛卯而俗以銅

鐘名其寺或笑曰是亦鉄炉步之比耶且佛之道 大且尊宮而居之必曠如也茲近市而湫隘則非

廣近市則非嚴幾于名與寔戾惟伽藍却燼而不
滅古井冽寒而如新草創庫陋僅蔽風雨無復仙
人碧玉壺之勝槩豈以法界為室宇以戒慧為壙
戶此中空洞自有廣居不待七室莊嚴而寔相常
在寺之主首惟一也則又曰昔有雲閣黎不出十
秋師曷與雲異一曰不然出處雖殊致誼靜兩皆
禪使一當雲之時亦不出矣雲居一之地則有求
矣任山出山本無二法自吾師祖慶居是山謀撤
而新之尚方長秋皆有賜惠順妃亦如之
時太傅大丞相魯公閻東淮施加厚亦既閣建五
楹以奉圓通功垂成而飛錫下竺足不越戶限者
積六年而終始尋尺庶幾先賢勝踐彷彿猶存志
亦塔蘇然如雲則功廢矣余聞而嘆曰化念居與
瑰積蘇非有非空維摩丈室與師子坐無小無大
願宅心何如耳世固有身如而心市者真離誕勝
士羞稱之慶與一師弟子身市而心郊者不緇焉
塵以鳩眾力巧于用狹異于久廢于閣之下為殿
像設位置咸與地稱摩竭之室法音之樓爰及庫

咸淳臨安志卷七十六

十一

藏庖漏器用悉備蓋堅忍精進皆有過大之材吾
徒之飽食安步者或愧焉且自謂與雲不異又知
動靜之為源夫鐘之未撞本無聲也無聲之聲不
依形而存則銅鐘之名非贅也湛師與二竹君今
皆安在回視介然之徑亦已茅塞所遇孰非夢豈
獨雲哉湛也雲也慶也心與竹俱空即空皆寔相
無作之不能無記也一未請益勤曰蘓公能
言無而不能無記也一未請益勤曰蘓公能

題詠

東坡題雲師壁并序云去年秋偶游宝山山
上方入小一院闌然無人有一僧隱几低頭讀

書與之語漠然不對問其隣之僧曰此雲閣黎也
不出十五年今年六月自常潤還復至其室則死
五秋數月矣作詩題其壁詩云雲師未造其室清
忘百憂我初無言說師亦無對酬今年復叩門空
房但颺颺云已滅無餘薪盡火不苗却疑此室中
嘗有斯人否所遇孰非夢事過吾何求又詩云
七尺頑軀走世塵十圍便腹貯天真此中空洞渾
無物何止容君數百人又宝山新開徑藤梢
橘刺元無絡竹杖屨鞋不用扶風自遠來聞笑語

水分流處見江湖回觀佛國青螺髻踏遍仙入碧
玉壺野客歸時山月上棠梨葉戰暝禽呼○僧善
建題詩云垂手紅塵所古難近天尺五御舊禪閣
玉繩低轉簷楹外宮漏微傳几席間雲響名御舊禪閣度穀何
處笛翠稜當戶越州山夢回露
滴枳梢冷月在三茅萬境間

寶月院

在寶月山龍德三年錢氏建舊名瑞像 大中祥

符元年賜今額寺西有黑龍潭

潭今在內侍續氏園

諸天閣華嚴院

在井亭橋西晉朝賜額華嚴院中燬 紹興三年

僧守卓始建佛殿 旨賜舊額梁丞相克家書華

嚴經一部建輪藏 淳祐三年又燬唯大士銅像

咸淳臨安志卷七十六

十二

儼然守趙大資與憲重建仍作亭相國井上

安國羅漢院

在井亭橋西相國西井 淳熙十一年請移鳳皇

山安國羅漢寺為額 寶祐五年燬 景定四年

重建

光相壽昌院

建隆元年錢氏建舊額光相 大中祥符元年改

賜今額 中興初以其地為祕書省其徒分居今

處

大覺院

元係光相院 建炎初以其地為祕書省僧分居
今處 嘉泰四年移請城東大覺為額
祥符教寺

在祥符橋北元係祥符寺舊基分建

千佛閣安福院

在軍器所東 紹興五年六月以祥符寺舊基分

建 淳祐七年重造千佛閣 係三藏法師隨
駕南渡建立 景

定四年移請安福廢院為額

百福院

天福中錢氏建舊名資壽 大中祥符中改賜今

咸寧臨安志卷七十六 十三

額 乾道五年徙城中棚心有古井二

壽寧院

唐咸通三年建舊名法昌 淳化三年改賜今額

吳山智果院

吳越王錢氏建 舊名石佛 祥符中改賜今額中廢止

存星宿閣 嘉泰間燬以其地為進奏院撥賜寶

積解宇及扁鵲堂建寺

興福院

紹興初左丞薛昂以花藥圃施吉祥慧觀大師師
肇築菴曰擇勝續剎寺宇移請龍山興福院為額

百法廣潤院

在忠清廟南舊係僧寶寧初百法菴 淳熙十四年移漏金門外廣潤院為額

上方院

後梁正明七年錢氏建舊額上方多福 大中祥符改賜今額

顯法院

在大瓦北元係吳客三真君廟 嘉定間請今額 崇壽院

天福九年錢氏建舊在崇新門外中廢 淳熙二

威遠臨安志卷七十六

十四

年徙今處

奉慶院

在壩西舊美俗坊 嘉泰元年僧師智移郊臺奉慶院為額

普慈證聖院

在三橋東 紹興初建 嘉泰三年移請今額

淨安院

舊為永壽解院 嘉定四年僧智雅建 紹定五年移請今額

能仁寺

在涌金門裡 嘉定元年移請長橋側廢寺為額

按舊志能仁寺在糯米倉廣順元年吳越王錢氏建舊額承天改和四年改賜今額于西溪法華

白蓮慈雲院

元係西北流寓 嘉泰中重建

題詠

陸放翁慈雲寺小憩詩橫閣院東偏偷然佛榻眠看濃烟穗五茶嫩乳花圓岩倚團桂

瑞雲院

在吳山 中興觀後元係西北流寓寶積解宇

嘉泰二年移請今額

八威溥臨安志卷七十六

十五

千佛寺

元係安福菴 嘉定元年移請今額

上生院

天寶元年建 建炎初燬 嘉泰中僧了華重建

靈智院

在七寶山舊為聖水菴有觀音岩出泉能療民疾 嘉定二年移請今額 紹定間重建

定水院

在脩內司營前舊為觀音菴 嘉定八年移請今

額

報恩院

在萬松嶺上寺壁有寒山拾得頌濟書記題

紹

定三年 御前宣取

顯教院

舊為華嚴菴 紹興二十三年建 乾道五年移

請今額

大佛萬壽院

在漾沙坑舊為大佛禪院元係

初建 嘉定二年移請今額

國泰院

咸淳縣志卷七十六

十六

舊為極樂禪院 紹定四年移請北山廢額

廣壽慧雲禪寺

在艮山門裡白洋池張循王之孫鎡捨宅為寺

紹熙元年賜今額

廣濟院

在淳祐倉北舊為顯佑王廟 開禧二年請今額

淳祐九年斥為淳祐倉別建廟宇

安福院

舊係福順大王廟 淳祐六年移請今額

真濟院

在梅家橋西

無礙院

在親事營東門南舊為西北流寓崇福菴 淳熙

四年移請今額

報國院

在薦橋東舊為香林禪院 紹定間移請今額

淳祐五年重建

妙喜資福院

在水巷東舊為妙喜菴 紹興初建 慶元六年

移請今額

崇恩延福寺

在鹽橋下八界巷北舊係西北流寓濠州鍾離縣
孔雀妙明寺 淳熙十四年嗣濮王請為功德寺
改賜今額

國清寺

在通江橋四條巷舊係西北流寓吉祥菴 慶元
二年請移今額

方等院

在祕書省前 寶祐六年移請今額

寶山院

在旱河頭 嘉泰間建 紹定間鄭丞相清之重
建奉 五顯祠

咸淳臨安志卷之七十六





